


STATUS TINDAKAN BAGI ISU YANG DILAPORKAN DALAM LAPORAN KETUA AUDIT NEGARA MENGENAI AKTIVITI KEMENTERIAN/ JABATAN/AGENSI KERAJAAN PERSEKUTUAN DAN BADAN BERKANUN PERSEKUTUAN

- KEDUDUKAN SETAKAT 30 JUN 2022



STATUS TINDAKAN BAGI ISU YANG DILAPORKAN DALAM LAPORAN KETUA AUDIT NEGARA MENGENAI AKTIVITI KEMENTERIAN/JABATAN/ AGENSI KERAJAAN PERSEKUTUAN DAN BADAN BERKANUN PERSEKUTUAN - KEDUDUKAN SETAKAT 30 JUN 2022

1.1. Jabatan Audit Negara (JAN) komited membantu Kementerian/jabatan/agensi Kerajaan Persekutuan dengan memantau kelemahan yang telah dibangkitkan dalam Laporan Ketua Audit Negara (LKAN). Sistem Auditor General's Dashboard (AGD) telah dibangunkan bagi memaparkan isu dan status tindakan terkini terhadap isu yang dilaporkan. Kaedah ini berjaya membantu kementerian/jabatan/agensi Kerajaan Persekutuan untuk menyalurkan maklumat dengan cepat dan pantas mengenai tindakan yang sedang/telah diambil dengan mengemas kini maklum balas secara dalam talian. Hal ini membuktikan komitmen dan keprihatinan Kerajaan dalam menjelaskan kedudukan terkini isu LKAN serta tindakan yang diambil untuk makluman semua pihak berkepentingan yang berkaitan dan pihak awam secara keseluruhannya.

1.2. Sejak tahun 2012, status tindakan bagi isu LKAN dipaparkan melalui sistem AGD. Paparan secara dalam talian ini menjadi pencetus bagi mempercepatkan penyelesaian isu Audit yang dibangkitkan dalam LKAN oleh kementerian/jabatan/agensi Kerajaan Persekutuan. Ia sekaligus dapat memperbaiki prestasi tadbir urus penyampaian sektor awam secara keseluruhannya.

1.3. Portal AGD juga boleh diakses oleh semua pihak termasuk orang awam untuk mengetahui **status tindakan bagi isu LKAN secara masa nyata (real time)**. Setiap isu dikategorikan mengikut tiga warna ikon (traffic light icons) iaitu **Merah (tiada maklum balas atau maklum balas tidak menjawab isu yang dibangkitkan)**, **Kuning (dalam tindakan)** dan **Hijau (tindakan telah selesai diambil)**. Maklumat mengenai status tindakan terhadap isu yang dipaparkan juga boleh digunakan sebagai panduan kepada kementerian/jabatan/agensi Kerajaan Persekutuan untuk mengelakkan kelemahan yang sama berulang.

1.4. Susulan Audit secara dalam talian melalui sistem AGD tersebut membantu bagi memastikan isu Audit serta syor berkaitan dengan isu yang dilaporkan disusul dan tindakan penambahbaikan telah diambil oleh kementerian/jabatan/agensi Kerajaan Persekutuan. Susulan yang dilaksanakan adalah berdasarkan piawaian pengauditan antarabangsa yang dikeluarkan oleh The International Organisation of Supreme Audit Institutions (INTOSAI). Perenggan 42, International Standards of Supreme Audit Institutions (ISSAI) 300 menyatakan "Auditors should follow up previous audit findings and recommendations wherever appropriate. Follow-up should be reported appropriately

in order to provide feedback to the legislature together, if possible, with the conclusions and impacts of all relevant corrective actions”.

1.5. Tindakan susulan melalui sistem AGD dan diikuti dengan pelaporan mengenai status susulan tersebut dalam laporan mulai LKAN Tahun 2021 Siri 1 adalah selaras dengan peruntukan di bawah subseksyen 9(8), Akta Audit 1957 [Akta 62] yang memperuntukkan “walau apa pun peruntukan seksyen ini, Ketua Audit Negara boleh pada bila-bila masa mengemukakan laporan kepada Yang di-Pertuan Agong mengenai apa-apa perkara yang berbangkit daripada pelaksanaan mana-mana tugasnya atau perjalanan mana-mana kuasanya di bawah Akta ini atau di bawah mana-mana undang-undang bertulis, dan boleh mengemukakan satu salinan mana-mana laporan sedemikian kepada Raja atau Yang di-Pertua Negeri sesuatu Negeri atau kepada seseorang Menteri”.

1.6. Setakat 30 Jun 2022, susulan Audit telah dilaksanakan terhadap 424 kajian di bawah kementerian yang berkenaan. Liputan susulan terhadap isu Audit yang dilaporkan mengikut kementerian dalam LKAN Tahun 2011 hingga 2020 Siri 1 adalah seperti dalam **Jadual 1**.

JADUAL 1
BILANGAN ISU MENGIKUT KEMENTERIAN SETAKAT 30 JUN 2022

BIL.	KEMENTERIAN	BILANGAN KAJIAN (Bilangan Diaudit)	SUSULAN AUDIT (Bilangan Isu Disusul)
1.	Jabatan Perdana Menteri (JPM)	37	400
2.	Kementerian Kewangan (MoF)	35	260
3.	Kementerian Perusahaan Perladangan dan Komoditi (MPIC)	9	83
4.	Kementerian Pertanian dan Industri Makanan (MAFI)	20	236
5.	Kementerian Pembangunan Luar Bandar (KPLB)	16	187
6.	Kementerian Tenaga dan Sumber Asli (KeTSA)	8	76
7.	Kementerian Perdagangan Antarabangsa dan Industri (MITI)	2	15
8.	Kementerian Perdagangan Dalam Negeri, Koperasi dan Kepenggunaan (KPDNKK)	6	55
9.	Kementerian Pembangunan Usahawan dan Koperasi (MEDAC)	1	22
10.	Kementerian Kerja Raya (KKR)	30	198
11.	Kementerian Pengangkutan (MOT)	16	229
12.	Kementerian Sains, Teknologi dan Inovasi (MOSTI)	4	17
13.	Kementerian Pelancongan, Seni dan Budaya (MOTAC)	7	53
14.	Kementerian Wilayah Persekutuan (KWP)	13	108
15.	Kementerian Tenaga, Teknologi Hijau dan Air (KETTHA)	4	21
16.	Kementerian Alam Sekitar dan Air (KASA)	13	113
17.	Kementerian Kesihatan (KKM)	27	218
18.	Kementerian Perumahan Dan Kerajaan Tempatan (KPKT)	13	127
19.	Kementerian Belia dan Sukan (KBS)	7	75
20.	Kementerian Sumber Manusia (KSM)	8	68


BIL.	KEMENTERIAN	BILANGAN KAJIAN (Bilangan Diaudit)	SUSULAN AUDIT (Bilangan Isu Disusul)
21.	Kementerian Komunikasi dan Multimedia (K-KOMM)	12	88
22.	Kementerian Pembangunan Wanita, Keluarga dan Masyarakat (KPWKM)	6	41
23.	Kementerian Pertahanan (MINDEF)	18	125
24.	Kementerian Dalam Negeri (KDN)	34	227
25.	Kementerian Pendidikan (KPM)	41	384
26.	Kementerian Pengajian Tinggi (KPT)	37	325
JUMLAH		424	3,751

Sumber: Data Dijana Daripada Sistem AGD Pada 30 Jun 2022

Nota: Statistik yang Dipaparkan Adalah Berdasarkan Kementerian Pada Tahun Diaudit

1.7. Setakat 30 Jun 2022, terdapat 3,751 isu telah dibangkitkan dalam LKAN Tahun 2011 hingga 2020 Siri 1 mengenai aktiviti kementerian/jabatan/agensi Kerajaan Persekutuan. Sebanyak 3,472 (92.6%) daripada keseluruhan isu tersebut telah selesai manakala 279 (7.4%) masih dalam tindakan oleh kementerian/jabatan/agensi Persekutuan berkenaan. Butiran lanjut adalah seperti dalam **Carta 1**.


CARTA 1
STATUS TINDAKAN ISU LAPORAN KETUA AUDIT NEGARA
TAHUN 2011 HINGGA 2020 SIRI 1 SETAKAT 30 JUN 2022



Sumber: Data Dijana Daripada Sistem AGD Pada 30 Jun 2022

1.8. Statistik status tindakan isu LKAN mengenai aktiviti Kementerian/jabatan/agensi Kerajaan Persekutuan mengikut Kementerian adalah seperti dalam **Carta 2**.

CARTA 2
STATUS TINDAKAN TERHADAP ISU YANG DIBANGKITKAN
MENGIKUT KEMENTERIAN SETAKAT 30 JUN 2022




Sumber: Data Dijana Daripada Sistem AGD Pada 30 Jun 2022

Nota: Statistik yang Dipaparkan Adalah Berdasarkan Kementerian Pada Tahun Diaudit

1.9. Setakat 30 Jun 2022, sejumlah 279 (7.4%) daripada 3,751 isu yang masih dalam tindakan adalah melibatkan LKAN Tahun 2015 hingga 2020. Bilangan isu dalam tindakan tertinggi adalah bagi LKAN Tahun 2019 iaitu sebanyak 134 isu. Selain itu, tiga isu dalam tindakan bagi LKAN Tahun 2015 yang dibentangkan di Parlimen pada 21 November 2016 adalah melibatkan Kementerian Pengangkutan. Butiran terperinci dan kedudukan terkini mengikut masa nyata mengenai isu dalam tindakan bagi LKAN Tahun 2015 hingga 2020 boleh diakses di sistem AGD melalui *QR Code* yang disertakan seperti dalam **Jadual 2**.

JADUAL 2
STATISTIK BILANGAN ISU DALAM TINDAKAN MENGIKUT
TAHUN LKAN SETAKAT 30 JUN 2022



Sumber: Data Dijana Daripada Sistem AGD pada 30 Jun 2022

Nota: 1. Tiada Isu yang Belum Selesai bagi Tahun 2016

2. Data yang Dipaparkan Semasa Semakan Melalui *QR Code* adalah Data Pada Masa Ia Diakses (data masa nyata)

1.10. Kementerian/jabatan/agensi Kerajaan Persekutuan adalah disyorkan untuk terus komited dalam melaksanakan tindakan penambahbaikan. JAN berperanan untuk menyusul sehingga tindakan korektif dan penambahbaikan diambil oleh kementerian/jabatan/agensi Kerajaan Persekutuan dan status bagi tindakan tersebut dipaparkan melalui portal AGD.

